

Эргим уруглар! 2008 чылдың ийиги чартында "Сылдысчыгаш" солуннун чагыдылгазы эгелээн. Ынак солунуңарны чагыдып алырын утпаңар!



ТЫВА РЕСПУБЛИКАНЫҢ УРУГЛАР СОЛУНУ

СЫЛДЫСЧЫГАШ

№ 17
(2881) Апрель 29 2008
вторник чыл

1945 чылдың март 1-де үндезилеттинген.
1990 чылдың февраль 1-де катап тургустунган.

Хүнүнүн үнөрү: 5.57; ажары: 20.57
Хүн дургунун узуну: 15.00.
Айынын үнөрү: 4.05
Ажары: 12.36.

Солун вторник санында үнөр.
Садар өртээ дугуржулга езугаар.

СЫЛДЫСТЫҢ МЕДЭЭЛЕРИ

ЧАҢГЫС ДОМАК-БИЛЕ

- Бо чылын республиканын интернат-лицейи тургустунганындан бээр 15 чыл болуп турар.
- Апрель 12-13 хүннеринде Красноярск хоорайга болуп эрткен 1-ги Бүгү-Делегейини джаз фестивалына Тимур Дулушка удурткан Тыва Республиканын Чазаанын үрер хөгжүм оркестри эн-не эки коллектив деп үнелелди алган.
- Май 1-де "Хүреш" стадионунга Тываның В.Көк-оол аттыг хөгжүм-шии театрының ээлчеглиг 73-кү театржы сезонунун байырлыг хаашкыны болур.
- Бөгүн, апрель 29-та кезээкиниң 18.00 шакта хөгжүм-шии театрынга РФ-ниң алдарлыг, ТР-нин улустун артизи, режиссер Алексей Ооржактың тургусканы "Дон-Кихот" деп шизинин баштайгы көрүлдөзи болур.

Май 1-нин байырлаалы-биле, эргим уруглар!

• Юрий КЮНЗЕГЕШ

МАЙ

Эриг алдын саарыпканзыг
кааң хүннүң херели дээп,
кара хилиң ховуларга
эн чок, ногаан торгу чадар —
уран ишчи майның даңы
улуг чуртта хаяланды.

Аккыр хөвөң азып каанзыг
чодураалар чечектелир,
алдын өңнүг сырга-биле
чокпак талдар каастаныптар —
булут — мең чок майның
дээри
булактарда чуруттунду.

Өңгүр, чараш бойдус безин
өөрүшкүзүн сөглексээн дег,
Майның Бири — ажылчы чон
байырының чырык хүнү
сыннар баштап шонуп
келди.
Чыскаалган чон шуужуп
үндү.



Студент Шенне МОНГУШУҢ чураан чуруу.

КОНКУРСКА КИРЖИҢЕР

Чогаадыкчы лаборатория "Кыйгы" Бүгү делегейиниң уруглар камгаладынын хүнүңге уткуштур инвалид уругларга "Делегей уругларның көрүжү-биле" деп республиканың уран чурулга конкурзун чарлап тур.
Конкурска 6-дан 18 хар чедир уруглар киржиң болур.
Ажылдар чаа, 2008 чылда кылган турар ужурулуг. Уран чурулга, графика, аппликация хевиринге кылган ажылдарны (3-ден эвээш эвес, А-4, А-3 хемчээлдиг, артынга ат-сывын, адресин айыткан) хүлээп алыр.
Делгелгениң ажыдышкыны болгаш түннелдерни үнүрери 2008 чылдың май 30-де Тываның күрүне филармониязынга 11 шакта эртер.
Ажылдарны май 27-ге чедир дараазында адреске күлээр: 667000, Кызыл хоорай, Красноармейская 100, каб. №82, 95. Т.: 2-37-21.



Доозукчу-2008

АЖЫК ЭЖИКТЕР ХҮНҮН ЭРТТИРГЕН

Апрельдин 25-те ТР-ниң өөредилге, эртем болгаш аныяктар политиказының яамызы Улусчу чогаадылга бажыңыга республиканың школаларының доозукчуларынга Ажык эжиктер хүнүн эрттирген.

Аңаа 2008 чылда Тыва Республикага кадрлар белеткээринин талазы-биле күрүне чагыының болгаш республиканың нити өөредилге черлеринин чаңгыс аай күрүне шылгалдаларына киржилгезинин дугайында чугаалашкан.

Үлетпүр, энергетика, транспорт, харылзаа, орук, көдээ ажыл-агый дээш өске-даа адырларга специалистер белеткээринин дугайында илеткелдерни ук

яамыларның, ведомстволарның төлээлери кылган. Республикага улуг инвестиция төлөвилелдерин боттандыраарыга кандыг специалистер херегин "Енисей", "Лунсин" компанияларнын удуртукчулары доозукчуларга делгеренге-йи-биле тайылбырлап берген.

Урана МОНГУШ.
Чурукта: Хову-Аксиндан
келген 11-ги классчы
Денис Хертек.

2008 чыл – Россия Федерациясында Өг-бүлө чылы

Чогаадыкчы конкурс “Өзүмнер-2008”

“Мээң өг-бүлөм — чоргааралым”

Уруглар чуруп тур



“Авам, ачам-биле агаарлаарыңа ынак мен”



“Хостуг үелерде ажыктыг дыштаныр бис”

Айдана КОЛ чурасан. 9 класс. Бүрөн-Аксы школазы.

ЧОНУ ЧОРГААРЛАНЫР

Россия Федерациязының Президентизи Владимир Владимирович Путиниң 2008 чылды Бүгү Россияга Өг-бүлө чылы кылдыр чарлаанын билир болгай бис. Бистиги уругларның ынак солуну “Сылдысчыгаштың” чарлааны “Мээң өг-бүлөм — чоргааралым” деп чогаадыкчы мөөрейже бодумнун суурумда үлгерлиг өг-бүлелерниң бирээзи деп санап чоруурум өг-бүлени бижикисем.

Бис ыраккы Өвүр кожунунуң Дус-Даг сумузунда чурттап турар бис. Мээң бижикисем турар өг-бүлөм — Чимит Чымбаевич, Анна Андреевна Кууларларның өг-бүлөзи. Олар 1 кыстың, 2 оолдуң хүндүткелдиг, ынак ада-иези. Бистиги республикада Чимит Чымбаевичини танывас кижичовар. Ол Тыва Республиканың Арзылаң мөгези, бо хүннерге чедир, кожунунуң

болгаш сумузунуң ады дээш чедииникиниң хүрежиңи чоруур. Анна Андреевна Дус-Даг сумузунуң баштыңы албан-дужаалда ажылдап турар. Анна Андреевна ажылынга бердинген, ак-сеткилдиг, улуг-биче улус-чонну хүндүлөп, төрөөн суурунун, бичии чаштарның, аныяктарның келир үези дээш кызымак ажылдаар боорга суурунун чону база катап суму баштыңыңа сонгуп алган. Бо өг-бүлө улугну улуг деп, бичени биче деп хүндүлөп, карактап билир. Эрткен 2007 чылда Чимит Чымбаевич бодунуң 40 харлаан юбилейинге тураскаадып бистиги суурга каян-даа болуп көрбөөн республика чергелиг солун спортчу маргылдаалар — тыва хүрешти, аът чарыжын эрттирип, концерти көргүскенин каян-даа утпас бис.

Чимит Чымбаевич Анна Андреевна Кууларлар студентилерге, хүрежчилерге, өгелерге, аныяктарга, мөчөөн кижилерге сагыш-сеткилинден моральдыг болгаш материалдыг дузаны көргүзүп чоруурлар. Ынчангаш оларга чону чоргаарланып, өөрүп, четтирип турар.

Өг-бүлө чылында Чимит Чымбаевичиниң өөредип турар мөгелери улуг-улуг чедииникиннерлиг болурун, Анна Андреевнаның ажыл-херээ бүдүнгүр, чоруу чогуңгүр, эки түнелдерни чедиң алырын база өг-бүлөзинге аа-кежишти, өөрүшкүнү каян дег кадыкшылыды “Сылдысчыгаш” солунун дамчыштыр күзедим.

Буянмаа КЫРГЫС,
10 класс, Дус-Даг школазы, Өвүр кожуну.

Салым-Чаяаның

ТАНЫЖЫҢАР: СУБУДАЙ ХУУРАК

Бичии Субудай Хуурактарның өг-бүлөзинге 1997 чылда эрге-чассыг оглу болуп төрүттүнген. Ол үш харлыында чаш-даа бол чаражы кончуг үн-биле “Ты небо” деп ырыны ырлап орда акызы болур ачазының дунмазы Николай Сат дыңнап каан. Оолдуң үнү хоюг болгаш ыяңгылыын ол ынчан эскерген. Николай боду база гитарага ойнаар, ырлаарыңа аажок ынак чораан болгаш бичии Субудайның ырлаарын дыңнааш, өөрээш, дунмазыңа магнитофон белекке садып берген. Оон эгелээш Субудай магнитофонда ырлап турар орус-тыва ырларны өттүндүр кады ырлап, чаптанчыг өткүт үнү-биле өг-бүлөзин өөртүп эгелээн.

Бир дугаар ол сценаже садик барып тургаш үнген. Садикке ыры конкурзу азы концерт болган санында-ла Субудай албан киржир. Ыры башкызы Виктор Иванович Доспан оолдуң ырлаар салым-чаяанын ылап-ла эскергеш, оон соңуургалын улам күштел-

дирген. Концерт санында-ла ол баянга үдөп бээрге, бичии Субудай көрүкчүлерге аян тудуп бээр турган.

Субудай алды хар чедергеш, Тарлаг суурунун Култура ордузунун сценазынче үнүп, ырлап турар апарган. Элээн үе эрткенде Мурат Яковевич Ондар Субудайны фонограмма үделгези-биле ырладып эгелээн. Туран хоорайга эртип турган бичии ыраажыларның “Хамнаарак” конкурзунга Андрей Монгуштуң “Тыва черим” деп ырызын күүсеткен. Бичии ыраажы назы хары бичии болганындан шаңналдыг черни албайн барган-даа болза, көрүкчүлерниң сеткилин, сонуургалын чаалап алган.

2005 чылда Субудай республиканың уран чүүл школазының үрер хөгжүм класынга өөренип эгелээн. Дыштанылгасында Тарлагта чедип келгеш, бичии уруглар байырлалы — июнь 1-де суурунун Култура ордузунун сценазынга флейтага ойнап, улуг-биче чонга аян тудуп ойнап



берип турган.

2006 чылда ол Кызылдың №2 школазында Зоя Агбаевна Доржуйнун класының өөреникчизи апарган. Школага эртип турган Чаа чыл, Шагаа болгаш оон-даа өске байырлалдарга, конкурстарга Субудай ырлап, иденкейлиг киржип, салым-чаяанын үе-чегелеринге көргүзүп эгелээн. Класстың ада-иелериниң эскергени-биле, Субудайны даштындан көөргө-ле алдынып чорууру оожум, эш-өөрү хөй, хөй-ниити ажылындан черле чыда калбас. Өөренири эки, кичээл үспес, эш-

өөрүңгө хүндүткелдиг.

2007 чылда Субудай школазының “Хамнаарак” конкурзунга Семен Монгуштуң “Ачам” деп ырызын болгаш “Чунга-Чанга” деп бичии уруглар ырызын күүсеткеш 1-ги черни чаалап алган. Ол-ла чылдың март айда Кызыл хоорайның школалар аразында эрткен “Хамнаарак” конкурзунга киришкеш “1-ги чергениң дипломантызы” деп атка төлөпиги болган. Субудайның бо чедииникиннеринге школада ыры башкызы Аржаана Комбуй-ооловна Бичемей болгаш класының башкызы Зоя Агбаевна Доржуйнун кириген үлүг-хуузу улуг болган.

2008 чылдың март 26-да болуп эрткен база-ла Кызыл хоорайның “Хамнаарак” конкурзунга “Детство”, “Тыва черим” деп ырыларны ырлааш 3-кү чергениң лауреады атка четкен. Республика чергелиг “Хамнааракка” киришкеш, шаңнал бижишти алган.

Субудай амгы үеде хоорайның школадан даш-

каар немелде өөрөдиге төвүндө “Литературлуг өрээл” бөлгүмүнчө болгаш “Мечта” хөгжүм студиязынче барып турар. Хостуг үезинде Субудай чурт-тунарынга аажок ынак.

Улуг өгбөзи Часкал Канмаевна Хуурак, авазы Ирина Тюлюшевна Хуурак болгаш угбазы Октябрина Маадыр-ооловна Чамгын-оол Субудайның ырлаар салым-чаяанын шыдаар шаа-биле деткип, алгап-йөрээп чорууру оолга база дыка улуг деткимче болуп турар.

Бистер Субудайның өөренип турары 4 “б” класын ада-иелери, чаңгыс-классчылары, класының башкызы Субудай кижилериниң сеткилин өөртүп, ам-даа ырлап-ла чоруурун база оон Америкага ындынадыр аян тудуп чедергеш, күзели бүдө бээрин күзээр-дир бис. Оруун ак-ла болзунам, Субудай.

Кызылдың №2
школазында 4 “б”
классының
төрөлдөр комитети,
чаңгыс-классчылары.



«Конкурс «Мисс-Өвүр-2008»

ЧАРАШ КЫСТАР — ШКОЛАЧЫЛАР

Чоокта чаа Өвүр кожууннун төвү Хандагайты суурнун Тумат Геннадий аттыг культура бажыңыга кожууннун эң чараш кызын илереткен «Мисс Өвүр-2008» конкурс болуп эрткен.

тырыгны конкурстун организакчылары өөренип көөрү чугула. «Өвүр кожууннун чогаалчылары кымынарыл?», «Тывада бо чылды чүнү чылы кылдыр чарлааныл?» дээн чижектег айтырыгларга чамдык киржикчилер тулуп-даа турду. Бо чүүл башкылары бодандырар ужурлуг.

Конкурстун база бир чугула, көрүкчүлерге сонурганчыг кезээ — «Пляж костюмунун» (эштир хеп) көрүлдези болган. Маңаа езулуг-ла киржикчилернин дурт-сын талазы-биле чер-четпестери илереп кээр деп, көрүкчүлер чугаалажып турду. Бодум хуумда сөөлгү үеде тыва уругларның европей-жи стандарттарга деңгелеп, узун, шилгедек апар чыдарын магадап көрдүм.

Джинс костюм көрүлдезинге уругларның езулуг-ла чогаалдыкчы чоруу илерээн. Джинстен даараан кандыг модельдин хеви чок дээр. Карак шокараңнаар. Идиктери, сумкалары безин джинс. Джинс кажан-даа модадан үнмес деп шыны Өвүрнүн чараш кыстары база

дим.

Чидиг демиселдин түңнелинде «Мисс Өвүр-2008» деп атты Хандагайты школазының доозукчузу, 11 классчы **Олча Иргит** чаалап алган. «Вице-мисс Өвүр-2008» Солчур школазының 10-гу классчызы **Тана Монгуш** болган.

Кандыг-даа шаңналдан артык, эң-не бедик үнелел — «Көрүкчүнүн сонургалын» Хандагайты школазының 10 «в» класының өөреникчизи, «Мисс-Хандагайты-2008» аттың эдилекчизи **Аяна Монгуш** чаалап алган. Шынап-ла, Аянаңың идик-хеви өскелерден ылгалдыг, бир тускай көстүр. Ындыг болбастың аргазы чок. Оон хевин аныяк, салым-чаяанның шевер кыс Шончалай Килчин Голливудтун сылдыстарының аразында сөөлгү моданың хевин тускай чагыдып алганы журналдарындан көрүп тургаш даараан. Маңаа Аянаңың авазы Оюмаа Монгуш-биле даай-авазы Светлана Чымбаның кириген үлүг-хуузу база улуг дээрзин демдеглээр апаар.

Тиилекчилерге Хүндүлел бижиктерни, өртектиг белектерни тывыскаан. Деткикчилер база боттарының тускай белектерин тывыскаалаан.

Конкурсту организастап эрттиргени нигитизи-биле багай эвес. Ынчалза-даа бир демдеглеп каар чүүл — шаңналдар колдуунда демей болгаш өртег-үнези ындыг-ла кончуг улуг эвес болганы. Өвүр



«Мисс Хандагайты-2008», «Көрүкчүлернин сонургалы» номинацияга тиилекчи **Аяна МОНГУШ**

И. Чуковского

«Мисс Өвүр-2008» **Олча ИРГИТ** биле «Вице-мисс Өвүр-2008» **Тана МОНГУШ**

Аңаа кожууннун сумулары — Хандагайты, Солчур, Дус-Даг, Чаа-Суур, Саглы, Ак-Чыраадан нигитизи-биле 15 чараш кыстар киришкен.

Конкурс алды чадага эрткен. Бир дугаарында сумуларның ча-

раш кыстары янзы-бүрү национал тыва хептерин бараалгаткан. Дараазында ажил-агыйжы костюм көрүлдези болган. Конкурстун үшкү кезээнде киржикчилерге айтырыглар салып, оларның угаанынын, сагынгыртывынгырын, чечен-мергенин хынаан. Маңаа бир демдеглеп каар чүүл — айтырыгларның ден эвес, чамдыкта көңгүс бө-



катап бадыйткаан.

Конкурстун түңнел кезээнде кежээки хеп көрүлдези болган. Каас-чараш хептери-биле кежээни улам аян-шинчи кириген кыстарны көөргө өөрүнчүг. Киржикчилернин идик-хевин көргөш, тулган шеверлер Өвүр черде бар-дыр деп эскер-



Эштир хеп көрүлдезинин үезинде

кожуун республикада садыг-саарылга талазы-биле база бир көскү черде турар, сайзыраңгай кожууннарның бирээзи болгай. Конкурстун организакчылары шыырак деткикчилерни эвилелдеп, садыг төвүнде моол сайгарлыкчыларны-даа чүге кириштирип болбас деп?

Киржикчилернин идик-хеп дээш чарыгдалы шаңналдарның өртээн усчок ашкан деп болур. «Мисс

Хандагайты» конкурсту организастааны-даа эки, шаңналдары-даа шыырак болган деп ада-иелер чугаалап турду. Дараазында конкурска бо айтырыгны өөренип көөр болза эки.

«Мисс Өвүр-2008» конкурска «Үгөр сылдыс» танчы бөлүү. Ай-дана Долчун-Сүрүн, Азиза Куулар, Артыш Даржай, Ай-Куш Даг-

быш болгаш Эдуард Монгуш олар аян тудуп, бараалгаан.

Тиилекчи кыстарга «Сылдыс-чыгаштың» хөй санныг номчукчуларының мурнундан изиг байырывысты чедирдивис.

Урана МОНГУШ,
Авторнун тырттырган чуруктары,
Кызыл-Хандагайты-Кызыл.

Тоолдап берейн бе?



Шыян ам!

Бир-де эртен арга иштинге оялыкка Тоолай, Бөрү, Дилги база Адыг ужуражып келгеннер иргин. Олар долгандыр олургулапкаш, боттарының ажыл-амыдыралын чугаалажып органнар. Оон хүрээже углап бар чыдар бир ламаны ырактан көрүп кааннар.

Тоолай тургаш:

— Эй, эштер! Бо лама кижилерни кандыг-даа бак чүве кылбас, кайгамчык арыг сеткилдиг улус деп дыннаан мен. Чогум ламаларның ол чаагай сеткилдигиниң шын, мегезин хынап көрейин дээш. Кандыг деп бодаар силер?

Адыг олур:

— Сээң оон чүүлдүг чүве-дир. Харын, канчаар ону хынаар боор чүвөл? — деп көргүрээң.

Канчаар хынаар дээн бодадын Дилги өөрүңге чугаалап берген. Эштери-даа чангыс үн-биле чөпшээрешкеннер.

Дилги чоокшулап келгеш көөрге, лама бир-ле ном номчаан кевирлиг эрни шимчеп, далаш чок базып орган. Ол лама борбайтыр чүве тыраан чүктешкилг, он талакы холунуң кырында бичини хевис олбук ажыр каап алган чораан.

Чоруп ора лама орукту доора чыдышкан Дилгини көрүп каан. Оон кудуруунун ужу шимчеп каап, өлгөн-биле демей чыткан. Лама: “Мынчаар орукка олча таваржырга, канчап ону көрбөс боор! Бо Дилгини анчы киж балыглап каан боор. Оон дилги шимчей албас чыдыпканы ол-дур. Моон кезин сө тыртып алгаш, акшага хуудуруп алыр-дыр” деп бодаан - даа чүвөн иргин.

Оон холунда туткан хевис олбуун черге сала каапкаш, чыткан Дилгиге дүргени кончуг базыпкан. Лама Дилгиниң мырыңай чанынга келгеш, тудуп алып кайызы чорда, Дилги тура халааш, бир будун сөөртү аарак аскаңгырлап

Чазый лама

Тибет тоол

ыңай-ла болган. Лама: “Сен база менден дезериң ол бе!” — деп кылы хайнып, чүктешкизин чежи каапкаш, Дилгиниң соондан бар шаа-биле маннапкан. Лама тонун уштуп каапкаш-даа четпээн иргин.

Маннап чораан Дилги хенертен ээй тырткаш, терең сиген аразынче кире бергеш, чыда дүшкен.

Лама келгеш, дескиндир кылаштап, хайгаарап туруп-туруп, терең сиген аразында Дилгиниң сарыг дүгү алдынналып хадып турарын көрүп каан. “Чээ, хөөкүй ам черле холга кирген-дир сен” деп бодааш, идин уштуп, орук кыдыгына салып кааш, тыныжын оожуктуруп алгаш, кеденгирлеп чорупкан. Лама Дилгиниң мырыңай чанынга келгеш, хол сунар болза, чеде бээр хире чорда, Дилгизи “дирлип”, тура халааш, арга иштинче ыңай-ла болган. Лама аксын тудуп алган элээн көрүп тура, дедир оруунче чорупкан.



Лама орукче үнүп келгеш, идин алыр дээш көөрге чок болган. Лама: “Аза-буктуг чер боор бе?” деп бодап, тонун, чүктешкизин, хевис олбуун алыр дээш салган черлеринге баарга, база чок болган. Лама ам-на коргуп-сестип, арны-бажы хуула бергеш: “Аза-бугу кызыл дилги бооп хуулуп алганындан мээң хамык чүвемни алгаш барган-дыр — деп бүзүрээш, - дүрген хүрээже барбааже хоржок-дур” дээш, шалыпкын базыпкан.

Лама ынчап чорда, Бөрү, Дилги, Тоолай олар ламаның олбуун акызы Адыгнын адаанга дөжээш, ашчемин чип, найырлап органнар чүвөн иргин. Тоолай оргаш, “Чангыс чоос алыр дээш черге доңгайгаш, хойнунда акшазын хавы-биле чидирген” деп үлегер чугаа черле шын-дыр дээрзин чугаалап орган.

★ СПОРТ ★ ХОСТУГ ХҮРЕШ ★ СПОРТ ★ ХОСТУГ ХҮРЕШ ★ СПОРТ ★ ХОСТУГ ХҮРЕШ ★

Европа чемпионатадынга хүрежир

Калининград хоорайга хостуг хүрешке Россияның бирги чери дээш кадеттер аразында маргылдаа болуп эрткен.

Анаа 1991, 1992 база 1993 чылдарда төрүттүнген 300 ажыг мөгелер он ангы килдерге чемпион ат дээш хүрешкен. Ук маргылдаага Тываның мөгелери чедишскиниң хүрешкеннер.

Республиканың уруг-

ларның болгаш элээдилерниң спорт школазының Кызыл-Мажалыкта салбырының мөгези, 16 харлыг Белек-оол Күжүгет (тренери Алим Ооржак) 46 кил деңзиге тиилээш, Россияның чемпиону болуп, алдын медаль-

биле шаңнаткаш, июль төңчүзүнде Рига хоорайга болуп элээдилер аразында Европа чемпионатында Россияның адын камгалап хүрежир болган.

54 килдиг мөгелер аразында Олимпийжи курлавыр училищезиниң сургуулу Меңги Мортай-оол (тренери Чечен-оол Монгуш) мөңгүн медальды чаалап алган.

★ СПОРТ ★ БОКС ★ СПОРТ ★ БОКС ★ СПОРТ ★ БОКС ★ БОКС ★ СПОРТ ★ БОКС ★

Тываның чемпионнары илерээн

Кызылда “Субедей” спорткомплексе апрель 18-20 хүннеринде 1991-1992 чылдарда төрүттүнген элээди оолдар аразында бокска Тыва Республиканың бирги чери дээш маргылдаа болуп эрткен.

Маргылдаага киришкен 84 боксерларның аразында Тываның, Сибирь федералдыг округтуң база Бүгү Россия чергелиг маргылдааларның чемпионнары бар болган.

Өскелерден артык күштүүн көргүскеш, элээди оолдар аразында да-

раазында боксерлар Тываның чемпионнары болган: 46 кг. Кежик Кочанай (Тес-Хем); 48 кг. Эртине Дамба (Тес-Хем); 51 кг. Денис Чооду (Кызыл); 54 кг. Уян-Маадыр Монгуш (Олимпийжи курлавыр школазы); 57 кг. Омак Монгуш (Олимпийжи


курлавыр училищези); 60 кг. Омак Монгуш (Суд приставтары); 64 кг. Түметей Шырап (Олимпийжи курлавыр училищези); 69 кг. Орлан Доржу (Уругларның болгаш элээдилерниң спорт школазы).

Маргылдааның чемпионнарынга болгаш шаңналдыг чер алган боксерларга Дипломнарны, медальдарны болгаш өртектер белектерни тывыскан.

Адыгы СААЯ



БОДАА. ТЫП. БОДААЛ НАГ!



Хаванчыгаш Күскеден чүңү айтырып турарын номчуңар, уруглар. Сан бүрүзү тыва алфавитте үжүктөрүнүң узун дургаар санының айы-биле турар. Номчаан айтырыңарны эштериңерге база салыңар, уруглар! Адыгы СААЯ тургускан.

СТАВКАШ

“Океан-97” Бүгү Россия фестивалының дипломантызы. “Чонар-даш-2004” республика конкурсуңуң лауреады, Россияның Журналистер Эвилелиниң дипломантызы.

Тургузукчулары: Тыва Республиканың парлаалга болгаш информация талалы-биле күрүс комитети. Тыва Республиканың инити болгаш профессионал өөрелдиге ламызы.

Кол редактор Александр ШОЮН

Редакцияның адреси: 667000, Тыва Республика, Кызыл, Красноармейская кудумчузу, 100. Парлалга бажыны, 4-кү кыт, кабинеттер 75, 76, 77, 79.

ФАКС 8(394) 22-2-06-17. Телефоннары: Кол редакторунуң — 2-06-17. Секретары — 3-17-90. Кизилдистер — 3-17-87. Бухгалтерияны — 3-17-90.

Индексиз 10013.

Тираж 3821 экз.

Чагыт №140.

Россия Федерациязының Парлаалга, телерадиодимчылдыга болгаш массалыг коммуникация херектериниң талалы-биле яамының Ортаагы Сибирьде регионнар аразының девицкээр эргелели “Сылдысчыгаш” солуну бүртүккэн. Херечилели — Т-00015.

Солуну ТР-ниң “Тываподграф” күрүмнениң унитардыг бугуруагының парлалган. (Кызыл, Шеттиникин-Кравченко, 1) Парлалгаже дужаары: график сүзүгар понеделынникте

10 шакта. Херек кырында понеделынникте 9.00 шакта.

Редакция бижимел чүүлдэрге, тырттырган, чурраан чуруктарга, шүлүк болгаш проза чогаалдарында сайгаралга кылбас болгаш оларны элээринге дезир эгилтпес, авторлар-биле чыгаалалыгга чорутпас.

Солуну РФ-тиң парлаалга болгаш массалыг коммуникация херектериниң талалы-биле Агентилениң деткимчези-биле үндүрүп турар.